



**Qajeelcha Poolisii Minneapolis
Maanu'aalii Himaammataa fi Adeemsaa**

Lakkoobsa:
8-300

Jildii Saddeet - Dargaggoota – Himaammataafi Tarsiimoo

Hojimaata Hidhaa Dargaggootaa

8-302 Amala Badaa fi Haala Yakka Dargaggootaa – Umurii Wagga 10 Ol
(10/07/08)

(A-D)

Qondaaltonni taateewwan reebicha mana keessaa ykn Ajaja Eegumsaa cabsuu irraa kan hafe, dargaggoota umuriin isaanii waggaa 10 ol ta'eef, yakka tiraafikaa hin taane, yakka xixiqqoo fi yakka sadarkaatiin, Wabii Dargaggoota Kaawuntii Hennepin (tag) kennuu ni danda'u (kutaa 8-201 Hojimaata Hidhaa Amala Badaa Dargaggootaa, Yakkaa fi Reebicha Mana Keessaa ilaalaa).

Dargaggeessi sun warra ykn guddiftuu seeraaf ni gadhiifama. Dargaggeessi sun warra ykn guddiftuu seeraaf gadhiifamuu yoo hin dandeenye gara Giddugala To'annoo Dargaggootaatti ni fudhatama.

Yoo dargaggeessi adda baafamuu hin dandeenye, qondaaltonni shakkamaa gara Kutaa Dargaggootaatti (yeroo hojiitti), ykn gara Laaboraatoorii Yakkaatti (yeroo Kutaan Dargaggootaa cufamu) geessuun gargaarsa adda baasuu argachuu ni danda'u. Qondaaltonni dargaggoota geejjibsiisuu isaanii dura Laaboraatoorii Yakkaa qunnamuun hojjettoonni akka jiran mirkaneessuu qabu.

Wabii Dargaggootaa kenname hundaaf, qondaalli gabaasa CAPRS walgitu sanada dargaggeessi sun eenyuuf akka gadhiifamee fi lakkoofsa wabii dabalatee guutuu qabu. Koppiin wabii kan mana murtii gara Kutaa Dargaggootaatti darba.

Hubachiisa: Wabiin akka idileetti hin qoratamu; isaanis qorannoo guutuu ta'uuf kan yaadaman yoo ta'u, odeeffannoowwan tajaajila himannaa fi waamicha wabiif barbaachisan hunda of keessaa qabaachuu qabu.